

Whakaaturanga ka tu he huinga o nga tangata no ratou a Nuhaka Nama 2d 2f me 2d 2h Poraka, i raro i Wahi XVIII o te Ture Whenua Maori, 1909.

REKUREIHANA NAMA 48.

TENEI te Poari Whenua Maori o te Takiwa Whenua Maori o te Tairawhiti ka whakaatu ka tu he huinga o nga tangata no ratou a Nuhaka Nama 2d 2e me Nama 2d 2h Poraka, i runga i te whakahaerenga o Wahi XVIII o te Ture whenua Maori, 1909, ki Wairoa; a te Turei, te 15 o nga ra o Noema, 1910, i te 2 o nga haora i te awatea, ki te whiriwhiri i te motini e whai ake nei:—

“1. Me hoatu he riihi tapahi i nga rakau o runga o aua whenua ki a Frank Sloan raua ko John Sloan mo nga tau kotahi tekau mo nga roiate e whai ake nei:—

Totara kia 2s. mo te rau putu superficial ina oti te kani.

Rimu kia 1s. mo te rau putu superficial ina oti te kanei.

Matai kia 1s. mo te rau putu superficial ina oti te kani.

Era atu tu rakau ina kania kia 6d. mo te rau putu superficial ina oti te kani.

Mo te wahie kia 1s. mo te koori.

Mo te poraka whare kia 1d. mo ia putu te roa.

Mo te poohi kia 5s. mo te rau.

Ko nga hekene me nga toenga ina oti te kani kia hawhe te roiate.”

I tuhia ki Kihipane, i tenei te 7 o nga ra o Oketopa, 1910.

ALEX. KEEFER (A KIIWHA),
Perehitini.

Whakaaturanga ka tu he huinga o nga tangata no ratou a Nuhaka Nama 2d 2f me 2d 2h Poraka, i raro i Wahi XVIII o te Ture Whenua Maori, 1909.

REKUREIHANA NAMA 48.

TENEI te Poari Whenua Maori o te Takiwa Whenua Maori o te Tairawhiti ka whakaatu ka tu he huinga o nga tangata no ratou a Tutu-o-te-Kaha Nama 1b Poraka, i runga i te whakahaerenga o Wahi XVIII o te Ture Whenua Maori, 1909, ki Wairoa, a te Turei, te 15 o nga ra o Noema, 1910, i te 10 o nga haora o te ata, ki te whiriwhiri i te motini e whai ake nei:—

“Me hoatu he riihi tapahi i nga rakau o runga i taua whenua ki a Frank Sloan raua ko John Sloan mo nga tau kotahi tekau mo nga roiate e whai ake nei:—

Totara kia 1s. 6d. mo te rau putu superficial ina oti te kani.

Rimu kia 9d. mo te rau putu superficial ina oti te kani.

Matai kia 9d. mo te rau putu superficial ina oti te kani.

Era atu tu rakau ina kania kia 4d. mo te rau putu superficial ina oti te kani.

Mo te patena (battens) 9d. mo te rau.

Mo te poraka whare kia 5s. mo ia rau putu te roa.

Mo te poohi kia 5s. mo te rau.”

I tuhia ki Kihipane, i tenei te 7 o nga ra o Oketopa, 1910.

ALEX. KEEFER (A KIIWHA),
Perehitini.

Mema kua whakaturia mo te Poari Whenua Maori o te Takiwa o Waikato-Maniapoto.

Tari Maori,
Poneke, 11 o Oketopa, 1910.

KUA pai His Excellency te Kawana ki te whakatu i a

JAMES WILLIAM WALLACE SEYMOUR, Esquire, o Te Kuiti, hei mema, mo te Poari Whenua Maori o te Takiwa o Waikato-Maniapoto, hei whakakapi mo James Donaldson Steedman, Esquire, kua whakamutu i a ia.

J. CARROLL,
Minita mo te Taha Maori.

Te Makariri Scholarships, e tuwhera ana i te Koreti Maori, Te Aute, Haaki Peti.

ETORU nga Scholarships e puta ana i te tau mo nga tau e rua, a e £35 nga moni mo te Senior Scholarship kotahi. Kotahi o aua Scholarships, ka kiia ko te Senior Scholarship, e tuwhera ana ki nga tamariki tane Maori katoa kaore e neke atu ana o ratou tau i te tekau-ma-ono i te ra whakamutunga o te marama i mua atu o te ra i whakaritea mo tenei uiuinga mataauranga. Ko era atu Scholarships e rua ka kiia he Junior Scholarships, kotahi o enei Scholarships e rua e tuwhera ana ki nga tamariki Maori katoa e iti iho ana o ratou tau i te tekau-ma-wha i te ra whakamutunga o te marama i mua

atu o te ra i whakaritea mo tenei uiuinga mataauranga, ara ki nga tamariki kua tae nei ki nga kura Maori ki etahi atu kura ranei, kei raro i te mana o te Tari mo nga Kura, a e whakaarohia ana hoki e te Kai-tiroiro kura Maori i hono tonu to ratou haere ki te Kura i roto i te tau i mua atu o te uiuinga mataauranga; ko te rua o nga Scholarships nei e tuwhera ana i runga i aua tikanga nei ano ki nga tamariki Maori i pai ta ratou hono tonu te haere atu ki tetahi Kura ke atu i Te Aute i Tipene ranei, i roto i te tau i mua atu o te uiuinga mataauranga.

Ko aua Scholarships hei whakataetaenga ma nga tamariki tane Maori i raro i nga tikanga kua whakatakatoria e nga kai-tiaki o nga moni mo te Makariri Scholarship, kua oti te ta ki roto ki te Kupu Apiti ki nga Kupu Tohutobu mo nga Kura Maori, 1908; a kei roto hoki i nga rekureihana kua whakatikatikaina, e mau nei i roto i te pukapuka whakaatu (circular memorandum) a te Tari mo nga Kura, o te 25 o Aperira, 1910. Ka tu taua uiuinga mataauranga ki nga wahi e mohiotia ana e pai ana hei haerenga atu mo nga tamariki a te 5 me te 6 o nga ra o Tihema, 1910.

Ko nga tamariki e mea ana kia uiuia to ratou mataauranga, me tuku pukapuka atu ki te Kai-tiroiro Kura Maori, i te Tari o nga Kura, i Poneke, whakaatu i to ratou hiahia kia haere atu ratou ki te uiuinga mataauranga, me tuku atu ranei ki te Kai-whakaako o to ratou Kura, mana e tuku mai. Ko taua whakaaturanga me tuku mai i roto i te meera kia tae mai i mua atu o te 26 o nga ra o Oketopa, 1910.

Ko nga kape o nga pukapuka whakaatu i nga tikanga kua whakatakatoria e nga kai-tiaki me te ahua o te pukapuka e meingatia ana kia tuhia e te tamaiti e mea ana kia uiuia toa mataauranga, kei nga Kai-whakaako o nga Kura Maori, nga Kura nohoanga tamariki, nga Hekeretari o nga Kura Poari, me te Hekeretari o nga Kura e takoto ana, a me tonu atu ki a ratou.

Na TE MANU,
Kai-tiroiro i nga Kura Maori.

Tari o nga Kura,
Poneke, te 15 o nga ra o Hepetema, 1910.

KAUTE KAUNIHERA O HOROWHENUA.

TE TURE MO NGA MAHI NUNUI, 1908.

IRUNGA i nga tikanga o te Ture mo nga Mahi Nunui, 1908, tenei ka panuitia e hiahia ana te Kaute Kaunihera o Horowhenua ki te tango i te whenua e whakaaturia nei i raro nei hei rori mo te katoa.

Ko te mapi whakaatu i te takotoranga o taua whenua kua maakatia ki te “A,” a ka takoto ki te Waikanae Co-operative Store, Waikanae, hei tirohanga ma te katoa, i nga haora e tuwhera ana taua toa, mo nga ra e wha tekau (40) timata atu i te ra i tuhia ai tenei panui.

Ko nga tangata katoa e pangia ana e te tangohanga o taua whenua tenei ka karangatia, ara mehemea he take tika a ratou hei whakaha i taua tangohanga, kia tuku-a-tuhituhi mai i a ratou whakaha mo taua tangohanga, me tuku atu ki te Karaka o te Kaute Kaunihera, kei Rewini, i mua o te paunga o nga ra e wha tekau (40) timata atu i te ra i tuhia ai tenei panui.

Te Whenua ka Tangohia.

Katoa era piihi whenua kei roto i Poraka V, Takiwa Ruri o Kaitiaki, ara ko tetahi wahi o Kukutauaki 1b Nama 1, e 2 eka e 3 ruuri 12 paati, he Puruu te kara; ko tetahi wahi o Kukutauaki 1b Nama 2, e 3 eka 1 ruuri e 7 paati, he Kowhai te kara; ko tetahi wahi o Kukutauaki 1b Nama 3, e 2 ruuri e 27 paati, he Kowhai te kara; ko tetahi wahi o tekiona 77 Ngarara West A, e 3 eka 1 ruuri e 24 paati; a ko tetahi wahi o Tekiona 45 Ngarara West A, e 2 eka 1 ruuri e 58 paati, he Pakaka te kara.

I tuhia i tenei te 3 o nga ra o Oketopa, 1910.

671 H. E. LODGE, Karaka o te Kaute.

KAUTE KAUNIHERA O TAURANGA.

HE whakaaturanga tenei e mea ana te Kaute Kaunihera o Tauranga, mo te taha ki te Tiamana, ki nga mema o te Kaunihera, me nga tangata o te Kaute o Tauranga, ki te tango mo nga Mahi ma te Katoa, ara hei karinga kohatu, i te whenua e whakaaturia nei e te Kupu Apiti ki tenei. Ko nga tangata katoa e pangia ana e taua mahi tenei ka karangatia, mehemea he take tika a ratou hei whakaha i te tangohanga o taua whenua, kia tuku-a-tuhituhi mai i aua whakaha ki te Kaute Kaunihera o Tauranga i roto i nga ra e wha tekau (40) timata atu i te 7 o nga ra o Oketopa, 1910, koia hoki tera te ra tuatahi i perehitia ai tenei panui. Ko te mapi o te whenua e meatia ana kia tangohia kua whakatakatoria ki te Toa a Kingi, Te Puke, a ka takoto i reira hei tirohanga i nga haora e tuwhera ana taua toa.